

July 2012



Estd. Oct. 1994

KRISTIAN NAIPANG



Engineer duhâm	2
Missionary thawnthu	4

Kum 18-na

July 2012

Bu 214-na

Editor
Zohmingliana

Managing Editor
Rev. K. Lalpiangthara

Joint Editors
Upa F. Lalsangliana
Upa K. Thangkima

Circulation Manager
Upa C. Lalbiaktluanga

K R I S T I A N N A U P A N G

Synod Office
Mission Veng, Aizawl -796001
Phone - 0389-2324590

e-mail:
kristiannaupang@gmail.com

A man pe duh leh a bu la duh
chuan Circulation Manager
hriattir tur a ni.

Kum khat lak man Rs. 30.

Kristian Naupanga thu chhuahte hi Editor ngaih dan a ni vek kher lo.

A chhunga thu awmte

	Phek
1. Enkawltu lam atangin	3
2. Engineer duhâm	4
3. Missionary thawnthu	6
4. Min ngaihsaktu - kan zirtirtu	9
5. Lori Adams.....	11
6. Declaration	12
7. Zawn chhuah	13
8. Chei chhuah	14
9. Bible milem	15
10. Ka hmuh ang hmu thei rawh	Inside Cover

Enkawltu lam aʔangin

Kum chanve kan lo hmang zo leh ta reng mai. Mi tam takin kum chanve chhung khan min thihsan a. Tunah pawh hian dam lo na tak tak, in lam leh damdawi in lama inenkawl mek pawh tam tak an awm a ni.

Dam loh leh thihna han tawh chiah hian Isua Krista ringtute kan danglamna a lo lang ʔhin a. Ringloten hrehawm leh lungngai taka an tawrh laiin ringtute chu min thlamuantu Isua kan neih tlat avangin nat dan inang, tawrh dan inangah kan danglam bik ʔhin.

Keini Kristian naupangte hi chuan Isua ring tlat ila. Harsatna eng pawh lo thleng sela, Isuan min awmpui tlat avangin hlim takin kan tuar thei dawn a ni.

ENGINEER DUHÂM

Hmanlai hian engineer hmingthang tak mai hi a awm a. Kum tam tak chung chu company hmingthang tak tan a lo thawk tawh a.



Ni khat chu chu company neitupa chuan kovin pawisa tam tham tak mai hi a pe a. Chu pawisa hmang chuan in tha tak leh nuam tak mai sa turin a ti bawk a. Hmanrua leh hna thawktu pawh a tha thei ang ber hmanga, pawisa pawh ren lo turin a chah nghe nghe a.

Chu pa chuan ti hian a ngaihtuah a, 'Eng vangin nge hmanraw to tak tak leh thawktu tha tak tak ka hman kher ang le? Hmanraw tlawm zawk leh hna thawktu tha vak lo hmang ila, pawisa tam tak ka hlêp thei dawn si a,' tiin.

A ngaihtuah ang tak chuan in chu a sa ta a, pawisa pawh tam tak a hlêp ru thei ta a ni. A in sak chu pawn lam a tang chuan a nalh hle a, in tha leh tlo hmel tak angin a lang bawk a.

Engineer chuan an pu hnenah chuan in a sak zawk tawh thu a va hrilh a, a rawn endik ta a. Tha leh mawi tak anga a lan avang chuan an pu pawh chuan a fak mawlh mawlh a. Rinawm taka thawk anga a lan tlat avang chuan an pu chuan chu a in sak ngei mai chu a hlauh atan leh lawmman atan a pe ta hlauh mai a.

Engineer chu a lawm rualin a in chhir ru hle mai a. Tha tak leh tlo turin lo sa selang chuan a lawm leh zual tur a ni si a.

Vanduaithlak takin chumi kum chuan thli na takin a rawn tleh a, a in sak chu a rawn nam chhe ta vek mai a, chenna tur in nei lovin a vakvai ta dêr mai a ni. A duhâm luatah amahin a tuar ta zawk a nih chu!

Keini Kristian naupangte pawh hian duhâm lutuk lovin, kan theih tawka tha leh dikin, rinawm taka thil tih i tum theuh ang u.

Ziaktu - Lalpeksanga
Intermediate Dept.,
Mamit Hmunsam



1. Chhuata sazu a awm ve lo.
2. Varak thil peh a awm ve lo.
3. Dawhkanah lekhhabu a awm ve lo.



4. Dawhkana lekhhabu a kim ve lo.
5. Pa pakhat pheikhawk tial dan a inang lo.
6. Nu pakhat bek sam a inang lo.

MISSIONARY THAWNTU

Hmanlai hian naupang fel deuh mai Stephen-a te chhungkua hi an awm a, an chhungkua chu an rethei em em a. Stephen-a chu a felin aia upate thu a awihin a hun awlah chuan a chhungte a pui thin a. A taimain lehkha a zir tang tang a; a nu leh pate chuan Pathian thu an hrilh thin a; hmun hrang hrangah ringlo mi an la awm tih a hria a, Pathian thu hrilh a chak em em a ni.



Nakinah chuan lehkha chu a zir zo ve ta a. Ringlo mite hnena Pathian thu hrilh a chak em avangin missionary nih tumin Pathian thu a zir ta a. A zir zawh chuan missionary-ah a tang ta ngei a. Thingtlang hmun hrang hrangah Pathian thu hrilin a zin chhuak a. Hetih hun lai hian motor a la awm loh avangin kea zin a ngai thin a ni. Hmun hrang hrangah zinin ringlo mite hnenah Pathian thu sawiin ringtu-ah tam tak a siam a. Nakinah chuan ringtu awm lohna khua Burma rama Manusa khuaah a kal ta a. Ramhnuaiah te riakin Pathianin a ven tlat avangin hlauh a nei ngai lo a ni. Vawi khat pawh sakeibaknei nen an insual a, Pathian chakna hmangin a pawt sawm vek a ni.

Tichuan, a kal zel a, Manusa khua chu a thleng ta a. Chu khaw lal chuan Stephen-a chuan Pathian thu a sawi tih a hria a. Lal chuan, "Khu laia mi pakhat khuan eng Pathian thu nge a sawi a? Kei aia ropui an awm lo," a ti a. A sipaite tirin Stephen-a chu a mantir a, lung inah a tantir a. Chuta tang chuan lal chu a rilru a buai ta tlat a. Stephen-a thu sawi lai chiah kha a rilru leh mitthlaah a awm reng a. A pindanah chuan a ko lut a,

pawna a Pathian thu sawi chu a hnena sawi ve turin a ti ta a. Stephen-a chuan Pathian thu chu a hriih ta a. Kar khat chuang ni tin a hriih a; tichuan, lal chu a lo piangthar ve ta hlauh a. Tichuan, lal chuan Stephen-a chu a chhuah zalen ta a, Stephen-a chu a lawm hle mai a, Pathian hnathawh a ni tih a hria a, lawm thu a sawi mawlh mawlh a ni.

Manusa khuaah chuan Pathian thu chu a sawi chhunzawm leh ta a, mi tam tak chu ringtuah a siam ta a. Stephen-a chuan Manusa khuaah chuan nupui a nei ta nghe nghe a, a hming chu Rebecca a ni a, fapa Johana an nei a, Johana chuan a pa chu a chhun a, a fel em em a.

Stephen-a chu a lo upain a lo tar ve tawh hle a. Natna khirh takin a tlakbuak a, hna pawh a thawk tha thei lo a. A fapa Johana chu kum 17 a ni ve tawhin a pa chu a hnathawhnaah a pui zel a. Stephen-a natna te chu a lo zual zel a, damdawia an enkawl paw'n a zual zel a; tichuan, Stephen-a chu kum 87 a nihin a nupui leh a fate chu Lalpa hnenah a chawlhsan ta a. Manusa khuaa mite pawhin an ui hle a, a rawngbawlna avangin an theihngihl thei ngai lo a ni.

Johana chu a pain Pathian thu a hriih thin avangin a piangthar a, a pa ang bawka missionary nih ve chu a tum ta a. Lehkha a zir zawh hnuin Pathian thu a zir a, missionary a lo ni thei ta a ni. Johana chuan Pathian tanpuina avanga missionary ni thei a ni tih a inhria a. Hmun hrang hrangah a zin kual a, Pathian thu chu a sawi ve ta a. Ram hla tak takah a zin a, khaw pakhat hi a thleng a, Pathian thu sawiin ringtu tam tak a siam a.

Chu khuaa an khawnbawl chuan hriain a ngaithei lo hle a. Lal hnena an hek pawhin lal chuan engah mah a ngai lo va. Lal khawnbawlte chuan an hnein an ngai thei lo hle a; mahse, engtin mah an tih theih loh avangin kum tam tak chu an ngawih bopui mai mai a. Mahse, a

tawpah chuan an nghak thei ta lo va. Tichuan, kum 33 lai thu a hril hnu chuan lai khawnbawlte chuan Johana thah dan tur an ngaihtuah chhuak a. Tûra hrai hlum an tum ta a. Lal khawnbawlte chuan chaw eiah an sawm a, a thil ei turah chuan tûr an telh a. Johana chuan a hre si lo va, tur chu a ei ta a.

A ei puar hnu chuan a haw ta a. In a thlen chuan a pum a na ta vak mai a. A pum na chu tuar zo lovin a khumah chuan a let ta tawp a, a thi ta a ni. A tuk zinga a ina Pathian thu ngaihthlak tuma kalte chuan a thi tih an hmu ta a. An khua chuan an uin hrehawm an ti em em a, an theihngilh ngai lo va, a thlân pawh ropui deuhvin an siamsak a ni.

Ziaktu - Zothanglura Varte
Muallungthu
Class- IX,
Govt. Zemabawk HSS

(Muallungthu Kohhranin Literature Committee-in 2011-a Primary - Sakramen Dept. naupangte tana thawnthu inphuahsiak a buatsaiha lawmman pakhatna a ni)



“Tu pawhin mi zui a duh chuan mahni hrehawm pawisa lovin, a kraws puin mi zui rawh se. Tu pawh a nun humhim duh apiangin a chân ang a; tu pawh keimah avanga a nun chân apiangin a humhim ang. Miin khawvel hi a pumin nei sela, a nun chân si sela, a tan eng nge sâwt ang? A nih loh leh, miin a nun aiah eng nge a pek ang?” (Mat. 16:24-26)

MIN NGAIHSAKTU - KAN ZIRTIRTU

'Pi Barrow-i, room 501,'

tiin chu pindan awmna zawn pah chuan ka rilruin ka sawi nawn mawlh mawlh a. Pawl nga ka nih kum a niin chu sikulah chuan ka kal òan ni a ni a, ka zâmin ka òi hle a ni.

A tawpah chuan ka va hmu ta a. Pindan kawngkhar chu a lo inhawng a, ka lut ta a. Ka lai deuh hû mai. Pi Barrow-i chuan min hmu tlang vekin ka hria.



“Courtnei, chibai le. I duhna berah khan òthu rawh,” a lo ti a.

Kan hawi kual a, hmeichhe naupang lo òthu Wendy Barber-i bulah chuan ka òthu ta a. Chuta òtang chuan Wendy-i nen chuan kan inkawm ngeih zui phah ta a ni. Pi Barrow-i chu ka nel thei meuh lo va. Zirtirtu pakhatata ka ngai satiah ve mai a ni.

Pi Barrow-i chuan kan puitlin hnua nih kan tum min ziah chhuahtir a. Naupang òthenkhatin a chhan an lo zawt a. A zirlai naupang hluiten an graduate hnua an hlawhtlinna an rawn hrih te hian a lawm em em a; pawl nga an nih laia an thil tum an ziah chhuahtir te han chhui kîrpui te nuam a tih òthin thu a sawi ta a. Chuta òtang chuan Pi Barrow-i chu ka ngaina ta sawtin ka hria.

Chumi hnu lawkah chuan kan hnena awm ka pi chu cancer a ni tih an hre chhuahtir a. Thla khat hnu lawkah chuan nikhaw hre lovin a awm a, a thi zui ta mai a. Hrehawm hi ka ti em em mai a; ka tuar na hle bawk a. Sikul pawh eng emaw chen chu ka òthulh phah a ni.

Ka pi vuinaah chuan lungngai deuhin ka ðu kun reng a. Ka han hawi chhuah chuan Pi Barrow-i ka bulah a lo ding reng a; ka bulah a rawn ðu a, ka kut a rawn vuan a (Sapho chuan mitthi an awmin keini angin an phum nghal mai ngai lo).

Pi Barrow-i chuan ka pi chuan nâ leh hrehawm reng reng a tuar tawh lo tih sawiin min hnêm a. Chutiang zawng chuan ka lo ngaihtuah ngai reng reng lo. Ka pi tan chuan na tuara dam reng ai chuan thih chu a hahdamthlak zawk tih pawh ka hre thiam phak lo. Ka ngaihtuah thiam tawk chu ka pi awm ta lo chu ka tan a hrehawm a ni tih chu a ni mai.

Ka pi kan vui zawh chuan ka ni inah miin pangpar an rawn dah te enin kan kal a. Ivy pangpar, a khawina serthlum rawnga inphun hi ka nuin min pe a. Lehkha inbel chu ka han en a,

Courtnei,

I pi i chôn chu pawl ka ti hle mai.

Ka hmangaih che tih hi theihngihl hauh suh ang che.

Ka fate zinga mi ang mai i ni.

Ka hmangaih che.

Pi Barrow-i

Ka ðap ðêp a ni. Pangpar chu ka hawn a, tui ka pein ka pi pindan ruakah chuan ka dah ta a. Tunah chuan pawl riat ka ni ve tawh a, pangpar chu ka la khawi reng a ni. Zirtirtuin an naupangte chutiang tak chuan an ngaihsak tih ka lo la hre ngai lo va; tunah chuan ka hre ve ta.

Pi Barrow-i ang zirtirtu nei ve chu an vannei thlâwt a ni. Hre zui tawh kher lo mah sela ka chung a thiltih chuan ka nunah awmzia thûk tak a nei a ni.

Pi Barrow, ka hmangaih che. Ka tan chuan zirtirtu i ni mai lo va, ka nu ang mai i ni zawk e.

(Courtnei Calhoun-i, kum 13 mi ziak, *The Teacher Who Cared* tih Chicken for the Preteen Soul bua mi lehlin a ni)

LORI ADAMS

Sakawr no te chu hnute hnektir leh a thain an hria a. Tun tum hi chuan ril tam em emin a hne daw daw a; a hnek zawh vek hma chuan a chawlh pawh a chawl lo a ni.



“A dang kan siamsak a tha ang,” Ellen-in a rawn tih chuan Jim-a chu bawnghnute chhuan lum tumin a lo buai hle tawh a. Khawnvartui thuk a nun a, bel chhuang kaiin bawnghnute a chhung lut nghal a. Cindy-i leh Lori chuan ngawi rengin an lo thlir a.

Mahni chauha ina Rhonda-i a awm leh an nu leh pa leh Pi Decker-i te nupa leh Patti te Scottsbluff khuua kalte chu an ngaihtuah a. Kawng lakah thlipui hian nuai ta se engtin nge an awm ang. Khaw kar kawngah khuarkhurumah an tla emaw, khawi lai mi awm lohna laiah emaw thli tleh hian dang ta sela?

Zan chu a rei tial tial a, Rhonda-i muhil thei lo chu thutthleng seiah chuan a let a let a. A khat tawk hian a thu chhuak leh hlawl thin a. Vur thli tlehin bang a rawn chhem ri thawt thawt thawm te chu a ngaitla reng a.

Electric êng han tihthim vek a tum zet naa, a thulh leh a. Eng chuan a khawhar chu hnem ve deuhin a hria a.

Electric êng han tihthim vek a tum zet naa, a thulh leh a. Êng chuan a khawhar chu hnem ve deuhin a hria a.

(Awm zel tur)

DECLARATION
Form IV
(See Rule 8)

1. Title of the Newspaper : Kristian Naupang
2. Language in which it is published: Mizo
3. Periodicity of its publication : Monthly
4. Printer's Name : Upa F. Lalsangliana
5. Nationality : Indian
6. Publisher's Name : Rev. K. Lalpiangthara
Whether Citizen of India : Yes
Address : Synod Press Building
Mission Veng
Aizawl, Mizoram
7. Editor's Name : Zohmingliana
8. Owner's Name : Kristian Tlangau
Association
Where Printing is conducted : Mission Veng
and premises on which the P.O. Aizawl
Press is installed Mizoram
9. Name and Address of individual : Nil
who own the newspaper and
partners or share holders holding
more than one percent of the
total capital.

I, Rev. K. Lalpiangthara hereby declare that the particulars given above are true to the best of my knowledge and belief.




Dated Aizawl
the 1st July, 2012

(REV. K. LALPIANGTHARA)
Signature of Publisher

ZAWNCHHUAH

A hnuai bawm chhungah hian Tirkkohte Thiltih bung 7-naa thil hming/thu mal 10 phum bo a ni a. Bible keu la, han zawng chhuak teh. Thla lelah a chhanna a lo chhuak ang.

THAI DAN TUR



P	A	D	M	A	S	H	R	E	E
O	V	I	S	A	A	K	A	P	I
W	S	E	A	L	H	A	R	A	N
D	M	I	D	I	A	N	M	I	S
E	R	J	A	R	S	A	N	G	U
R	I	A	L	M	H	A	P	U	A
T	U	K	L	A	U	N	I	P	L
H	R	O	R	E	L	N	I	T	E
U	I	B	O	K	E	P	H	A	H
N	A	A	M	A	T	H	I	A	L

P	R	O	C	H	A	R	H	A	I
A	S	I	A	T	I	C	M	A	N
S	I	T	A	W	N	G	T	A	I
A	G	N	E	S	O	R	A	I	K
R	R	S	A	P	H	U	N	T	O
I	I	L	K	O	H	B	I	L	L
H	K	R	I	S	T	A	T	H	A
N	A	Z	A	R	E	T	N	A	U
A	R	A	N	M	O	S	I	A	R
N	D	E	O	D	O	R	N	T	I

THLA HMASAA MI CHHANNA

- | | |
|-------------|-------------|
| 1. PASARIH | 6. NAZARET |
| 2. ASIA | 7. MOSIA |
| 3. TAWNGTAI | 8. NIKOLA |
| 4. SAPHUN | 9. STEPHANA |
| 5. KRISTA | 10. GRIK |




CHEICHHUAH



Lalbiakhluate unau chuan an duh hle.

Chei dan tur

1=Hring, 2=Dum, 3 = Eng, 4=Sen.



Bible Mileem : JEREMIA



Bible Milem : **JEREMIA**



Bible Milem : **JEREMIA**



Bible Milem : **JEREMIA**



AWM ZEL TUR

KA HMUH ANG HMU THEI RAWH



A chung a lemziak chi hnih khi ngun takin en la, a inan lohna chi ruk hmu thei rawh.

A hnuaiah hian a chhanna lo ziak la

- 1.....
- 2.....
- 3.....
- 4.....
- 5.....
- 6.....

A chhanna chu thla lehah kan rawn chhuah ang.

Postal Regn. No.
MZR/70/2012-2014
RNI Regn. No. 66996/96

HRIATTIRNA

Kristian Naupang
chanchinbu agent
thenkhatin a lam theih
hun kan rawn thawn in
hmu lo thin a. Hei hi in
mobile network provider
lamin an lo dan thin vang
a ni a. Hei hi TRAI
thupeka tih a nih avangin
kan sms rawn thawn in lo
dawn duh chuan STOP
DND tih hi 1909-ah
thawn mai tur a ni e.

To

Published by Rev. K. Lalpiangthara,
Synod Literature & Publication Board, Aizawl and Printed at
the Synod Press, Mission Veng, Aizawl - 796001. C - 21,000